

診  
家  
正  
眼

重訂診家正眼序

夫人臟腑氣血虛實陰陽全現于脉。醫以三指測之。求其胸中。了指下明。戛<sub>二</sub>乎難之矣。西晉叔和氏所著脉經。可謂承先啓後。奈高陽生舛訛湮錮脉義。反晦惟吾師士翁。以曠世奇才。成一代大儒。年十二試輒冠軍。觀場者九。副車者再。遇太夫人疾。因事靈蘭學博道精悟。入玄妙。彈指間。使沈疴頓起。遍地陽春。其應運而生也。殆非偶狀所著二十種。皆發前人之未備。及正眼一書。尤字<sub>二</sub>爲軒岐印泥言<sub>二</sub>開後學。

聾瞶卿胤立雪師門。嘗竊緒餘。以徵指下。心手相得。  
如桴應鼓。乃知是書一出。脉理昭然。吾師不獨嘘枯。  
當世寔振鐸千秋。柰兩楹旣夢之後。原板散廢。四方  
射利之徒。竊名翻刻者。皆詞意顛倒。盡失本文。憶吾  
師瞑目時。猶呼余輩致囑曰。吾四十年來撰述。雖多。  
狀問心自慊者。惟正眼一書。余與尤子生洲。鄭子介  
山。夙負囑言。疚心良切。今庚子秋。復梓原本。共襄厥  
成。庶幾慰吾師在天之靈。後學有遵途之適矣。  
順治庚子仲秋。門人秦卿胤古懷氏拜述。

診家正眼目錄

葉奕光其暉

劉元稷紫谷

沈頌朗仲

秦卿胤古懷輟

雲間李中梓士材父著吳郡門人

鄭東嘉介山

尤乘生洲

上卷

脉之名義

氣口獨爲五臟主

脉辨至數

日夜五十營

診貴平旦

寸關尺之義

三焦分配三部

重輕審察

陰陽辨別

內經分配藏府定位

六氣分合六部時日診候之圖

政運有不應之脉 人迎氣口

脉分四時六氣

脉分四方

脉分五臟

五臟平脉

五臟病脉

五臟死脉

五臟真脉

脉以胃氣爲本

脈貴有神

神門脈

反關脈

衝陽太谿

男女脈異

老少脈異

脈無根有兩說

女人脈法

小兒脈法

諸病宜忌脈

怪脈

七診

必先問明狀後診脈

持脈有道

決死生

辨七表八裏九道之非

脉决死期

奇經八脉

下卷

辨二十八脉

浮

沉

遲

數

滑

濇

虛

實

長

短

洪

微

細

濡

弱 緩 動 結 革 散 伏

脉法總論

緊 弦 促 代 半 花 疾



診家正眼卷六

雲間李中梓士材父著

吳郡同門諸子重較

脉之名義

內經曰人受氣于穀穀入于胃以傳于肺五臟六腑皆以受氣清者爲營濁者爲衛營行脉中衛行脉外

此明胃氣爲脉道之根臟腑之本氣血之所自出也凡人之生皆受氣于穀萬物資生之本也凡穀入必先至于胃萬物歸土之義也坤上不敢自專精微上輸于肺蓋地道卑而上行也肺爲乾金所受精微下溉臟腑蓋天道下濟而光明也金土互輸地天交泰清而上升者爲營血陰生于陽也濁而下降者爲

衛氣陽根于陰也。營血爲陰。故行脉中。衛氣爲陽。故行脉外也。

按審察病狀以決死生。非指下了狀將安所憑藉乎。深慨世醫不知脉爲何物。若以爲氣乎。而氣爲衛。衛行脉外。則知非氣矣。若以爲血乎。而血爲營。營行脉中。則知非血矣。若以爲經隧乎。而經隧實繁。則知非經隧矣。然則脉果何物耶。余嘗于此深思。久而始悟其微。古之觚字。從血。從爪。謂氣血流行。各有分派。而尋經絡也。今之脉字。從肉。從永。謂胃主肌肉。氣血資生。而永其天年也。夫人之生也。

惟是精與氣與神而已。精氣卽血氣而神則難見也。人非是神無以主宰。血氣保合太和流行三焦灌溉百骸。故脉非他卽神之別名也。神超于氣血之先爲氣血之根蒂。善乎華元化云脉者氣血之先也。氣血之先非神而何。夫神依于氣氣依于血血資于穀穀本于胃。所以古之論脉者云有胃氣則生無胃氣則死。東垣亦曰脉貴有神正指氣血也是知穀氣充則血旺血旺則氣強氣強則神昌神之昌與否皆以脉爲徵兆。故脉也者實氣血之

主宰卽神之別名此千古未剖之疑義也特表而出之

氣口獨爲五臟主

黃帝問曰氣口何以獨爲五臟主岐伯曰胃者水穀之海六腑之大源也五味入口藏于胃以養五臟氣氣口太陰也是以五臟六腑之氣味皆出于胃變現于氣口氣口者六部之總稱非專指右關之前也按素問經脉別論云食氣入胃經氣歸于肺肺朝百脉氣歸于權衡權衡以平氣口分寸以決死生由是而知氣口卽寸口也曰變現者飲食所變之精微成顯現于手太陰之氣口而陰陽盛衰之象莫不從此見矣

難經曰十二經皆有動脉獨取寸口何謂也。扁鵲曰寸口者脉之大會。手太陰之動脉也。肺為五臟六腑之高。受百脉之朝會。布一身之陰陽。故經曰藏真高于肺。以行營衛陰陽者是也。是以十二經皆有動脉。獨取肺家一經之動脉。可以決五臟六腑強弱吉凶也。

### 脉辨至數

內經曰。人一呼脉再動。一吸脉亦再動。呼吸定息。脉五動。閏以太息。命曰平人。一呼再動。一吸再動。則一息四至。為平和之脉。若得五動。即太過矣。惟當太息之際。亦為平脉。何也。凡人之呼吸。三息後必間以一息之長。五息再開。謂之太息。故曰閏以太息。亦應曆家三歲一閏。五歲再開之數也。惟其息長。故得五至。以明苟非太息。則仍是四

至一呼脉一動一吸脉一動曰少氣一呼一動一吸

間僅得二至脉之遲者也達一呼脉三動一吸脉三

動而躁尺熱曰病溫尺不熱脉滑曰病風其息方至

陽盛陰衰熱之象也尺熱者言尺後近臂有熱則必

通身皆熱脉來數躁而體中發熱其病溫也明矣數一呼脉四動以上曰

滑而身不熱當病內風若使外死脉絕不至曰死乍數乍踈曰死一呼四動則一息

乎而有不死者乎脉絕不至則運化息而机絨窮乍

日夜五十營

內經曰一日一夜五十營以營五臟之精不應數者

名曰狂生。

營者運也。經脈運行于身。一日一夜凡五十周。以運行五臟之精氣。夫周身上下前

後左右凡二十八脈。其長十六丈二尺。宗氣積于胸

中。主呼吸而行經隊。一呼氣行三寸。一吸氣行三寸。

呼吸定息。氣行六寸。以一息六寸推之。則一日一夜

凡一萬三千五百息。通共計之。當五十周于身。則脈

行八百一十丈。其有太過不及。而不應此。所謂五十

數者。名曰狂生。狂者妄也。猶言幸而生也。

營者五臟皆受氣持其寸口數其至也。

五十營者五臟所受之氣

也。持者診也。但診寸口而數其至。則臟氣之衰旺可知矣。

五十動而不一代者五

臟皆受氣。

代者止而復來也。臟有所損則氣有所虧。故不能運行也。若五十動而無一止。則終

無止矣。五臟之氣四十動而一代者一臟無氣。難經

皆足和平之象也。

者隨陰入。呼者因陽出。今吸不能至。腎則至肝而還。故知一臟無氣者。腎氣先盡也。然則五臟和者氣脈

長五臟病者氣脉短卽此一臟無氣必先乎腎則下文所謂二臟三臟四臟五臟者皆當自遠而近以次而短而由腎及肝由肝及脾由脾及心由心及肺故病者必氣促而喘僅呼吸于胸中數寸之間真陰氣于下孤陽浮于上氣短之極也人之死生由乎氣氣之聚散由乎陰凡殘喘尚延者一綫之氣未絕耳此臟氣之不察也三十動一代者二臟無氣二十動一代者

三臟無氣十動一代者四臟無氣不滿十動一代者

五臟無氣予之短期要在終始予猶與也短期者死期也亦近也言死期

已近也終始者十二經各有絕氣先見是名爲始也詳見靈樞經脉篇所謂五十動而

不一代者以爲常也以知五臟之期予之短期者乍

數乍踈也以爲常者無病之常脉也因此可以知五臟之氣若欲決其死期則在乍數乍踈也



不滿十至而代則乍數乍疎矣。  
非代脉之外別有乍數乍疎也。

### 診貴平旦

內經曰診法嘗以平旦陰氣未動陽氣未散飲食未  
進經脈未盛絡脈調勻氣血未亂乃可診有過之脉  
營衛之氣一晝夜五十周于身晝則行陽夜則行陰  
迨至平旦復會于寸口斯時也未嘗著衣動作陰氣  
將盡而未動陽氣將盛而未散飲食未進穀氣未行  
故經脈未盛而絡脈調勻氣血未至于擾亂乃可診  
有過之脉有過猶言有病也若飲食入胃則穀氣流  
行直行之經往往強盛而橫行之絡氣先至者淫氣  
未至者弱經絡之脉不能調勻  
則氣血之盛衰未可盡憑矣。

### 寸關尺之義

內經曰從魚際至高骨却行一寸名曰寸口從寸至

尺名曰尺澤故曰尺寸寸後尺前名曰關

大指從魚際穴至高骨得

骨得一寸故名爲寸也肘腕內廉尺澤穴至高骨得一尺故名爲尺也正當高骨之上乃尺與寸交界之

際故名

關也

扁鵲曰尺寸者脉之大要會也從關至尺是尺內陰

之所治也從關至魚際是寸口內陽之所治也

要者扼要

也會者朝會也尺寸皆肺之經脉百脉皆來朝會豈非扼要之所乎腎肝爲陰處乎尺內心肺爲陽處乎寸內治猶屬也言所屬之部位也

又曰三部者寸關尺也九候者浮中沉也上部法天

主胸以上至頭之有疾中部法人主膈以下至臍之

有疾下部法地主臍以下至足之有疾

上部法天主上焦胸中之

分以至于巔頂卽寸部也中部法人主中焦膈中之分卽關部也下部法地主下焦腹中之分以至于足膝卽尺部也○浮候法天輕手候之以察其表也中候法人不輕不重候之以察其半表半裏也沉候法地重手候之以察其裏也每部各有浮中沉三候則三部共九候矣

滑伯仁曰診脉之道先調自己氣息男左女右先以中指取定關位却下前後二指初輕候消息之次中候消息之次重候消息之自寸關至尺逐部尋究一呼一吸之間脉行四至爲率閏以太息五至爲平脉

也其有太過不及則爲病脉各以其部斷之

自巳之氣息調

勻則他脉之至數明辨故凡診必先調息也男子屬陽故先診左手女子屬陰故先診右手掌後高骨正對關部先以中指取定關部脉後下前後二指則尺寸方准也輕候消息其名曰舉中候消息其名曰尋重候消息其名曰按一息四至爲和平之脉若當太息必以五至爲和平也太過者洪大有力也不及者遲細無力也各以五臟六腑所居之位察其微甚審其從違斷其吉凶也

又曰臂長則疎下指臂短則密下指三部之內大小浮沉遲數同等尺寸陰陽高下相符男女左右強弱相應四時之脉不相戾命曰平人其或一部之內獨大獨小偏盛偏衰左右強弱之相反四時男女之相

背皆病脉也。左脉不和爲病在表，爲陽主四肢。右脉

不和爲病在裏，爲陰主腹臟。

臂長者脉亦長，故下指宜踈；臂短者脉亦短，故

下指宜密。同等者，不大不小，不浮不沉，不遲不數也。相符合者，寸爲陽爲高，常宜浮大；尺爲陰爲下，常宜沉

小也。相應者，左大順男，右大順女。男子寸盛而尺弱，女子尺盛而寸弱也。不相戾者，春弦夏洪，秋毛冬石

也。此四者，平人無病之脉也。其或大小獨見，遲數偏呈，左右相反，時令相戾，男女相違，皆知其爲病脉也。

左脉爲人迎，故病在表，屬陽與四肢相應也。右脉爲氣口，故病在裏，屬陰與腹臟相應也。

又曰：察脉須識上下來去至止，不明此六字，則陰陽

虛實不別也。上者爲陽，來者爲陽；至者爲陽，下者爲

陰；去者爲陰，止者爲陰也。上者自尺部上于寸口，嚶

生于陰也。下者自寸口下于尺部。陰生于陽也。來者自骨肉之分而出于皮膚之際。氣之升也。去者自皮膚之際而還于骨肉之分。氣之降也。應曰至。息曰止也。上下者以尺與寸相比度也。陽生于陰者如左尺水生左關木。左關木生左寸心也。右尺火生右關土。右關土生右寸肺金也。陰生于陽者右寸肺金生左尺腎水也。左寸君火分權于右尺相火也。來者爲氣之升。主乎陽也。去者爲氣之降。主乎陰也。內經以來盛去衰爲鈎脈。陽氣盛滿之象。若去來俱盛鈎之太過也。來不盛去反盛鈎之不及也。應者尋常應手之脈也。止者歇至不勻之脈也。如促結瀉代之類。

### 三焦分配三部

岐伯曰。寸以射上焦。關以射中焦。尺以射下焦。

扁鵲曰三焦者元氣之別使也主通行三氣經歷于五臟六腑

華元化曰三焦者人之三元之氣也總領五臟六腑營衛經絡內外左右上下之氣也

按三說而細繹之乃知脉本身中之元神和會後天穀氣以周流于一身者也蓋元神附于腎間之動氣出于下焦合水穀之精氣謂之營氣升于中焦合水穀之悍氣謂之衛氣升于上焦營行脉中衛行脉外其宗氣積于胸中名曰氣海故三焦者

統領周身之氣而分隸于胸膈腹。卽分配于寸關尺。灼狀無可疑者。乃滑伯仁承訛襲舛而謂右尺乃手心主三焦脉所出。何其不稽于古。不衷于理耶。

### 重輕審察

扁鵲曰。初持脉如三菽之重。與皮毛相得者。肺部也。如六菽之重。與血脉相得者。心部也。如九菽之重。與肌肉相得者。脾部也。如十二菽之重。與筋平者。肝部也。按之至骨。舉指來疾者。腎部也。

由是推之。不獨以左右六部。分候臟



腑即指下輕重之間。便可測何經受病矣。粗工不此之察。而專分六部。則脉中之微妙。烏可得而知耶。

### 陰陽辨別

岐伯曰。言人之陰陽。則外爲陽。內爲陰。言人身之陰陽。則背爲陽。腹爲陰。言人身臟腑中陰陽。則臟爲陰。腑爲陽。肝心脾肺腎五臟爲陰。膽胃大小腸三焦膀胱六腑爲陽。故背爲陽。陽中之陽。心也。背爲陽。陽中之陰。肺也。腹爲陰。陰中之陰。腎也。腹爲陰。陰中之陽。脾也。此皆陰陽表裏內外。雖雄相輸應也。

心肺皆居上而屬陽。但心位乎南。故爲陽中之陽。肺位乎西。故爲陽中之陰。

陰也。腎肝皆處下而屬陰。但腎位乎北故爲陰中之陰。肝位乎東故爲陰中之陽也。脾土位卑爲陰。且爲孤臟而居乎內。又不主時令而寄旺于四季之末。故爲陰中之至陰也。

扁鵲曰。呼出心與肺。吸入腎與肝。呼吸之間。脾受穀味也。其脈在中。浮者陽也。沉者陰也。問心肺俱浮。何以別之。曰。浮而大散者。心也。浮而短濇者。肺也。問腎肝俱沉。何以別之。曰。牢而長者。肝也。舉之濡。按之實者。腎也。脾主中州。故其脈在中。是陰陽之法也。呼者。陽也。故心肺之脈皆浮也。心爲陽中之陽。故浮而大散也。肺爲陽中之陰。故浮而兼短濇也。吸入者。陰也。故腎肝之脈皆沉也。腎爲陰中之陰。故沉而且實也。脾爲陰中之陽。故沉而兼長也。脾爲中州。故不

浮不沉而  
脉在中也

### 內經分配藏府定位

素問脉要精微論曰尺內兩傍則季脇也

季脇小肋也

兩傍為腎所近之處也

尺外以候腎尺裏以候腹

尺外者尺脉前半部也尺

裏者尺脉後半部也前以候陽後以候陰人身以背為陽腎附于背故外以候腎腹為陰故裏以候腹所謂腹者凡大小腸膀胱皆在其中矣已下諸部中附俱言左右而此獨不分者以兩尺皆主乎腎也

上左外以候肝內以候鬲

中附上者言附尺之上而居乎中即關脉也

言左關之前半部也內者言左關之後半部也餘皆倣此肝為陰中之陽臟而亦附近于背故外以候肝內以候鬲舉一鬲而中焦之膜胆腑皆在其中矣

右外以候胃內以候脾

右關

之前所以候胃右關之後所以候脾脾胃者皆中州之官也而以未稟言之則胃爲陽脾爲陰故外以候胃內以候脾也按寸口者手太陰也太陰行氣于三陰故曰三陰在手而主五臟所以本篇止言五藏而不及六府然胃亦府也而此獨言之何也經所謂五藏皆稟氣于胃胃者五藏之本也藏氣者不能自致于手太陰必因于胃氣乃至手太陰也故胃氣當于此察之又五藏別論云五味入口藏于胃以養五臟之氣氣口亦太陰也是以五藏六府之氣味皆出于胃變現于氣口然則此篇雖止言胃而六府之氣亦無不上附上右外以候肺內以候胸中上附上者見乎此上附上右外以候肺內以候胸中言上而又上則寸脉也五藏之位惟肺最高故右寸之前以候肺右寸之後以候胸中胸中者膈膜之上皆是也

**左外以候心內以候膻中**前以候心左寸之後以候

**膻中**膻中者即心肺絡之別名也○按五藏所居之位皆五行一定之理火旺于南故心居左寸木旺于

東故肝居左關金旺于西故肺居右寸土旺于中而寄位西南故脾胃居右關此即河圖五行之次序也  
前以候前後以候後此重申上下內外之義也統而言之寸為前尺為後分而言之  
上半部為前下半部為後蓋上竟上者胸喉中事也

下竟下者少腹腰股膝脛足中事也

竟者盡也言上而盡于上在下而盡于下

則盡于魚際在體則應乎胸喉也下而盡于下在脉則盡于尺部在體則應乎少腹腰足也○按此篇首言尺次言中附上而為關又次言上附上而為寸皆自內以及外者蓋以太陰之脉從胸走手以尺為根本寸為枝葉也故曰凡人之脉寧可有根而無葉不可有葉而無根○又按內外二字諸家之註皆云內側外側若以側為言必脉形偏澀或有兩條者乃可耳不狀則于義不通矣如前以候前後以候後上竟上下竟下者皆內外之義也觀易卦六爻自下而上以上三爻為外卦以下三爻為內卦則上下內外之

義昭朕矣或曰浮取爲外沉取爲內下義亦通然如  
外以候肺所以候胸中以外以候心內以候腹中是藏  
從外取而府從內候則無是事推而外之內而不外  
矣故不如從上下看爲穩當也

**有心腹積也**

推者察也求也凡診脉先推求于外若  
但見沉脉而無浮脈是有內而無外矣

故知其病在心推而內之外而不內身有熱也

推求于內

浮而不沉則病在外而非推而上之上而不下腰足

**清也**

清者冷也推求于上部則脉強盛而下部則脉  
虛弱此上盛下虛故腰足清冷也上下有二義

以寸關尺言之寸爲上尺爲下也推而下之下而不  
以浮中沉言之浮爲上沉爲下也

**上頭項痛也**

推求于下部下部有力上部無力此清  
陽不能上升故頭項痛或陽虛而陰湊

之亦頭按之至骨脉氣少者腰脊痛而身有痺也按  
項痛也

至骨。腎肝之分也。脈氣少者言無力也。腎水虛故腰脊痛。肝血虧則身有痺也。

愚按五藏六府以暨心胞絡共成十二經分配于脈之六部自有定理莫可變亂第詳玩內經便昭狀于心目矣。內經出胸鬲腹三字以分上中下而配寸關尺也。狀府不及膽者寄于肝部也不及大腸小腸膀胱者統于腹中也。高陽生以太小腸列于寸上不知大小腸皆在下焦腹中乃欲越中焦而候之寸上誤矣。彼不過因小腸之脈絡于心大腸之脈絡于肺耳。狀則腎之脈亦絡于心而遂于

左寸候腎可乎。臆中爲手厥陰經。卽是心胞絡。故經曰外以候心。內以候臆中。又曰臆中者。臣使之官。喜樂出焉。又曰臆中者。心主之宮城也。又曰心胞絡之脉。起于胸中。出屬心。卽此四段經文而細繹之。則臆中卽是心胞。心胞實爲心府。昭確可據。而高陽生候于右尺。不亦妄乎。以丹溪之敏。亦以胞絡臆中。分爲二候。況其他哉。內經明稱左右皆腎。而命門居兩腎之正中。考明堂銅人等經。命門一穴。在督脉第十四椎下陷中。兩腎之間。且脉之



應于指下爲有經絡循絡經朝會于寸口而內經並  
無命門之經絡妄以穴名爲藏配列右寸真是蒙  
昧千秋矣三焦者中清之府通行人身三元之氣  
三焦通則周身之氣皆通故經曰上焦如霧中焦  
如瀝下焦如瀆王叔和分配于寸關尺乃至當也  
而高陽生分隸右尺尤爲謬妄



# 六氣分合六部

|    |   |           |   |
|----|---|-----------|---|
| 右寸 | 浮 | 小 雪 十 五 日 | 金 |
|    | 中 | 立 冬 五 日   |   |
| 右關 | 沉 | 立 冬 十 日   | 明 |
|    | 浮 | 霜 降 十 日   |   |
| 右尺 | 沉 | 霜 降 五 日   | 土 |
|    | 中 | 寒 露 十 五 日 |   |
| 右寸 | 浮 | 秋 分 十 五 日 | 濕 |
|    | 中 | 白 露 五 日   |   |
| 右關 | 沉 | 白 露 十 日   | 陰 |
|    | 浮 | 處 暑 十 日   |   |
| 右尺 | 沉 | 處 暑 五 日   | 太 |
|    | 中 | 立 秋 十 五 日 |   |
| 右寸 | 浮 | 大 暑 十 五 日 | 火 |
|    | 中 | 小 暑 五 日   |   |
| 右關 | 沉 | 小 暑 十 日   | 相 |
|    | 浮 | 夏 至 十 日   |   |
| 右尺 | 沉 | 夏 至 五 日   | 陽 |
|    | 浮 | 芒 種 十 五 日 |   |
|    |   |           | 三 |

# 時日診候之圖

| 左寸   |       | 左關   |       | 左尺    |       |
|------|-------|------|-------|-------|-------|
| 浮    | 沉     | 浮    | 沉     | 浮     | 沉     |
| 立夏十日 | 穀雨十五日 | 驚蟄五日 | 雨水十日  | 大寒十五日 | 冬至十日  |
| 小滿十日 | 穀雨五日  | 驚蟄十日 | 雨水五日  | 小寒五日  | 冬至五日  |
| 立夏五日 | 穀雨十日  | 驚蟄十日 | 雨水十五日 | 小寒十日  | 冬至十五日 |
| 火君陰  | 少氣之二  | 木風陰  | 厥氣之初  | 水寒陽   | 太氣之終  |

此六氣分合六部時日診候之圖乃余所自悟而自製實六氣至理而古今所未發者此以平治之紀爲例若太過之紀其氣未至而至從節前十三日爲度不及之紀其氣至而未至從節後十三日爲度太過之歲從左尺浮分起立春不及之歲從左關中分起立春依次而推之必于平旦陰氣未散陽氣未動飲食未進衣服未著言語未吐之時清心調息逐部細究則時令之病可以前知診得六部俱平則已若有獨大獨小獨浮獨沉獨長獨短與各部不同依圖斷

之無不驗者。假如左關中候脉獨弦大。已知雨水後驚蟄邊有風熱之病。蓋絃主風而大主熱也。且左關又爲風木之令故也。如右尺沉分脉獨緩滯而實大。已知芒種後夏至邊有濕熱之病。蓋緩滯主濕而實大主熱也。若緩滯而虛大。乃濕熱相火爲患。蓋緩滯爲濕而虛大爲相火也。且在沉分沉亦主濕。又在相火之位故也。久病之人六脉俱見濁滯。惟右寸中候脉來從容和緩清淨無滯。已知霜降後立冬邊必愈。蓋中候而從容和緩爲胃氣之佳脉。且右寸爲肺金。

之位。土來生金故也。其餘各部俱倣此而精詳之。百不一失也。然亦須三四候之確狀不渝無不驗者。

政運有不應之脉

不應者沉細之脉也。甚至極沉極細幾於不可見也。第覆病者之手而診之則見矣。凡值此不應之脉乃歲運合宜。命曰天和之脉。不必求治。若悞治之反伐天和矣。

土運爲南政。蓋土位居中。面南行令故也。金木水火四運皆以臣事之。北面受令。故爲北政。

甲巳二年爲土運南政。如遇少陰司天則兩寸不應。厥陰司天則右寸不應。太陰司天則左寸不應。少陰在泉則兩尺不應。厥陰在泉則右尺不應。太陰在泉則左尺不應。

乙丙丁戊庚辛壬癸八年皆爲北政。如遇少陰司天則兩尺不應。厥陰司天則右尺不應。太陰司天則左尺不應。少陰在泉則兩寸不應。厥陰在泉則右寸不應。太陰在泉則左寸不應。

如尺當不應而反浮大寸當浮大而反沉細寸當不



應而反浮大尺當浮大而反沉細是爲尺寸反經曰  
尺寸反者死

如右當不應而反浮大左當浮大而反沉細左當不  
應而反浮大右當浮大而反沉細是謂左右交經曰  
左右交者死

### 人迎氣口

黃帝曰寸口主中人迎主外兩者相應俱往俱來若  
引繩大小齊等寸口者氣口也在右手關前一分胃  
之部也屬濕土而爲陰故主在中之  
病人迎脈在左手關前一分膽之部也屬風木而爲  
陽故主在外之病所謂相應者往來大小若引繩之

不奕也。春夏人迎微大，秋冬氣口微大，如是者命曰平。

人。春夏主陽，故人迎之陽脉微大，秋冬主陰，故氣口之陰脉微大。微大者，猶言略大也。雷公曰：

病之益甚，與其方衰，如何？黃帝曰：內外皆在焉。言表裏俱

當審察也。切其脉口，滑小緊以沉者，病益甚；在中，人迎大

緊以浮者，病益甚；在外。脉口，即氣口也。氣口為陰，故在中而主藏；人迎為陽，故在外而主藏。

外而主府，滑小緊以沉，陰分之邪也。大脉口浮滑者，病益甚也。脉口浮滑者，病

日進；人迎沉滑者，病日損。脉口為陰，浮滑者以陽加陰，故病日進；人迎為陽，沉

滑者陽邪漸退，故病日損；日損者，漸減也。脉口滑以沉者，病日進；在內，人

迎滑盛以浮者，病日進；在外。脉口人迎，經分表裏，故沉滑則內病增，浮滑則

外病也。脉之浮沉及人迎氣口大小等病難已。前言平脉固耳

相應平等。此言病脉則有內外陰陽之難不當平等。若俱浮則偏于陽，俱沉則偏于陰，故病難已。已者止也。

病在藏沉而大者易已，小為逆病在府浮而大者

易已。病在藏者為陰，陰本當沉而脉大為陽氣充也。故易已。若見小脉則真陰衰而為逆矣。病在府

者為陽，陽病得陽脉為順，故浮而大者病易已。故曰：陰症見陽脉則生，陽症見陰脉者死。人迎盛

堅者傷于寒，氣口盛堅者傷于食。人迎主表，盛堅為外感風寒，氣口主

裏盛堅為內傷飲食

按古稱關前一分人命之主。左為人迎以察外因，

右為氣口以察內因。凡人死生之機吉凶之故，蔑

不于是推求。以故上古景爲秘密。必歛血而後敢傳。非粗工所與聞也。余雖不敏。請得而陳其概焉。夫寸關尺三部。各占三分。共成寸口。故知關前一分。正在關之前一分也。左關之前一分。屬少陽膽部。膽爲風木之司。故曰。人迎緊盛傷于風也。東方風木。主天地春升之令。萬物之始生也。經曰。肝者。將軍之官。謀慮出焉。與足少陽膽相爲表裏。膽者。中正之官。決斷出焉。人身之中。膽少陽之脉。行肝脉之分外。肝厥陰之脉。行膽脉之位內。兩陰至是。

而交盡一陽至是而初生十二經脉至是而終且  
膽爲中正之官剛毅果決凡十一臟咸取決于胆  
故左關之前一分爲六府之源頭爲諸陽之主宰  
察表者不能外也右關之前一分屬陽明胃部中  
央濕土得天地中和之氣萬物所歸之鄉也經曰  
脾胃者倉廩之官五味出焉土爲君象土不主時  
寄王于四季之末故名孤藏夫胃爲五臟六腑之  
海蓋清氣上交于肺肺氣從太陰而行之爲十二  
經脉之始故右關之前一分爲五藏之隘口爲百

脉之根荄。察裏者不能廢也。况乎肝胆主春令。春氣浮而上升。陽之象也。陽應乎外。故以候表焉。脾胃爲居中。土性凝而重濁。陰之象也。陰應乎內。故以候裏焉。若夫人迎違度。則生生之本虧。氣口先撥。則資生之元廢。古人以爲人命之主。厥有肯哉。

脉分四時六氣

十二月大寒至。二月春分爲初之氣。厥陰風木主令。經云。厥陰之至。其脉弦。

春分至。小滿爲二之氣。少陰君火主令。經云。少陰之

至其脉鉤。

小滿至六月大暑爲三之氣。少陽相火主令。經云。少陽之至大而浮。

大暑至八月秋分爲四之氣。太陰濕土主令。經云。太陰之至其脉沉。

秋分至十月小雪爲五之氣。陽明燥金主令。經曰。陽明之至短而濇。

小雪至十二月大寒爲六之氣。太陽寒水主令。經曰。太陽之至大而長。

## 脉分四方

東極之地四時皆春其氣暄和民脉多緩。南極之地四時皆夏其氣蒸炎民脉多軟。西極之地四時皆秋其氣清肅民脉多勁。北極之地四時皆冬其氣凜冽民脉多石。

東南卑濕其脉軟緩居于高巔亦西北也西北高燥其脉剛勁居于污澤亦東南也南人北脉取氣必剛。北人南脉取氣必柔東西不齊可以類剖。

## 脉分五臟



肝脉絳心脉鉤脾脉代肺脉毛腎脉石

### 五臟平脉

肝脉來。奭弱招招如揭長竿末稍曰肝平

招招。猶迢迢也。揭。高

舉也。高揭長竿。稍必和軟。乃絃長而兼和緩之義也。

心脉來累累如連珠如循琅玕曰心平

連珠琅玕。皆狀其盛滿流

利而無太過不及之弊也

脾脉來和柔相離如雞踐地曰脾平

和柔者。悠揚之意。相離者。不模

糊也。如雞踐地。喻其緩而不迫。胃氣之妙也。

肺脉來厭厭聶聶如落榆莢曰肺平

厭厭聶聶。清之象也。如落榆莢。

毛之象也。輕浮和平之象也。

腎脉來喘喘累累如鈎。按之而堅曰腎平。喘喘也。累累也。如鈎也。也。三者皆心脉之陽也。而濟以沉石則陰陽和平也。

### 五臟病脉

肝脉來盈實而滑如循長竿曰肝病。

盈實而滑。弦之太過者也。長竿

無稍則失其和緩之意。此絃多胃少故曰肝病。

心脉來喘喘連屬其中微曲曰心病。

喘喘連屬。急數之象也。其中微

曲則猶未至于全曲。鈎多胃少之象也。

脾脉來實而盈數如雞舉足曰脾病。

實而盈數。如雞之舉足。雖不能

如踐地之利亦不至如鳥距之疾弱多胃少之象也

肺脉來不上不下如循雞羽曰肺病

不上不下瀉之象也如循雞羽

浮之象也毛多胃少肺金之病可見

腎脉來如引葛按之益堅曰腎病

引葛者牽連蔓引之意也按之益堅

則石多胃少腎病可見矣

### 五臟死脈

肝脉來急益勁如新張弓弦曰肝死

曰勁曰急強急不和也此之新

張弓弦但得弦急絕無胃氣矣安得不死

心脉來前曲後居如操帶鉤曰心死

前曲者輕舉之而堅大也後居

者重按之而半實也。操帶鉤者，狀其彈指之象也。但鉤無胃，其死必矣。

脾脉來銳堅如鳥之喙，如鳥之距，如屋之漏，如水之

流曰脾死。鳥喙者，狀其硬也。鳥距者，狀其急也。屋漏者，亂也。水流者，散也。冲和之氣全無，中州

之官已絕。

肺脉來如物之浮，如風吹毛曰肺死。如物之浮，則無根矣。如風吹毛，

則散亂矣。但毛無胃，肺氣絕矣。

腎脉來發如奪索，辟辟如彈石曰腎死。索而曰奪，則互引而疾急

矣。石而曰彈，則堅勁而無倫矣。但石無胃，故曰腎死。

按難經十五難所載，與內經每多異同。或內經所必有而難經則缺，或難經所載而內經則無，狀難經亦必以內經為宗主，不知何故異同若此。學者當以內

經爲主無多岐也。

五臟真脈

真脈卽死脈也。文有異同。義無差別。總之不見胃氣之脈。但見本藏之脈。

故曰真脈。

真肝脈至。中外急如循刀刃。責責狀如按琴瑟絃。

真心脈至。堅而搏如循薏苡子累累狀。

真脾脈至。弱而乍數乍疎。

真肺脈至。大而虛如以毛羽中人膚。

真腎脈至。搏而絕如指彈石辟辟狀。

凡持真藏之脈者。肝至懸絕十八日死。心至懸絕。

九日死。肺至懸絕十二日死。腎至懸絕七日死。脾至懸絕四日死。

脉以胃氣爲本

春胃微絃曰平。絃多胃少曰肝病。但絃無胃曰死。  
夏胃微鈎曰平。鈎多胃少曰心病。但鈎無胃曰死。  
長夏胃微耎弱曰平。弱多胃少曰脾病。但弱無胃曰死。  
秋胃微毛曰平。毛多胃少曰肺病。但毛無胃曰死。  
冬胃微石曰平。石多胃少曰腎病。但石無胃曰死。  
蔡氏曰：不大不小，不長不短，不滑不澁，不浮不

沉不疾不遲應手中和意思欣欣悠悠揚揚難以名狀者胃氣脉也

### 脉貴有神

東垣曰有病之脉當求其神如六數七極熱也脉中有力卽有神矣爲泄其熱三遲二敗寒也脉中有力爲卽有神矣爲去其寒若數極遲敗脉中不復有力爲無神也而遽泄之去之神將何依耶故經曰脉者氣血之先氣血者人之神也

按王宗正曰診脉之法當從心肺俱浮腎肝俱沉脾

在中州卽王氏之說而知東垣所制脉中有力之中蓋指中央戊己土正在中候也胃氣未散雖數而至

于極遲而至于敗尚可圖也故東垣之所謂有神卽內經之所謂有胃氣也

### 神門脉

兩手尺中乃神門脉也王叔和云神門訣斷兩在關後人無二脉病死不救許攸其論腎之虛實俱于尺中神門以後驗之蓋水爲天一之元萬物賴以資始者也故神門脉絕卽是腎絕先天之根本旣絕決無回生之日也而脉微謂爲心脉者誤矣彼因心經有穴名曰神門正在掌後兌骨之端故錯認耳殊不知心在上焦豈有候于尺中之理乎



## 反關脉

脉不行于寸口。由列缺絡入臂後。手陽明大腸經也。以其不正行關上。故曰反關。必反其手而診之。乃可見也。左手得之主貴。右手得之主富。左右俱反富而且貴。男女皆然。

## 衝陽太谿

衝陽者胃脉也。一曰趺陽。在足面大指間五寸骨間動脉是也。凡病勢危篤。當候衝陽以驗其胃氣之有無。蓋土爲萬物之母。資生之本也。故經曰。衝陽絕死。

不治

太谿者腎脉也在足內踝後跟骨上陷中動脈是也  
凡病勢危篤當候太谿以驗其腎氣之有無蓋水爲  
天一之元資始之本也故經曰太谿絕死不治

### 男女脉異

朱丹溪曰昔者軒轅使伶倫截嶰谷之竹作黃鍾律  
管以候天地之節氣使岐伯取氣口作脉法以候人  
之動氣故黃鍾之數九分氣口之數亦九分律管具  
而寸之數始形故脉之動也陽得九分陰得一寸脰

合于黃鍾天不足西北陽南而陰北故男子寸盛而尺弱肖乎天也地不滿東南陽北而陰南故女子尺盛而寸弱肖乎地也黃鍾者氣之先兆故能測天地之節候氣口者脉之要會故能知人命之死生世之俗醫誦高陽生之妄作欲以治病其不殺人也幾希矣黃子曰男子以陽爲主故兩寸脉常旺于尺若兩寸反弱尺反盛者腎氣不足也女子以陰爲主故兩尺脉常旺于寸若兩尺反弱寸反盛者上焦有餘也不足固病有餘亦病所謂過猶不及也

脉經曰左大順男右大順女。

龍丘葉氏曰脉者天地之元性故男女尺寸盛弱肖乎天地越人以爲男生于寅女生于申三陽從天生三陰從地長謬之甚也獨丹溪惟本律法混合天人而闢之使千載之誤一旦昭狀豈不韙哉。

老少脉異

老弱之人脉宜緩弱若脉過旺者病也少壯之人脉宜充實若脉過弱者病也狀猶有說焉老人脉旺而非躁者此天稟之厚引年之叟也名曰壽脉若脉躁

疾有表無裏則爲孤陽其死近矣壯者脉細而和緩三部同等此天稟之靜清逸之士也名曰陰脉若脉細小而勁直前後不等可與決死期矣

### 脉無根有兩說

以寸關尺三部言之尺爲根關爲榦寸爲枝葉若尺部無神則無根矣以浮中沉三候言之沉候爲根中候爲榦浮候爲枝葉若沉候不應則無根矣

### 女人脉法

陰搏陽別謂之有子

謂尺中之陰脉搏大與寸部之陽脉迥別者乃有子之象也

陰虛陽搏謂之崩

陰血虛于下則陽火亢于上夫血爲火迫不得安其位乃爲崩漏

手少陰脉動甚者妊子也

手少陰者心脉也動甚者形如豆粒急數有力也心

主血血旺乃能成胎心脉動甚血旺之象故當妊子

滑伯仁曰三部脉浮沉正等無他病而不月者爲有妊也

得太陰脉爲男得太陽脉爲女太陰脉沉太陽脉浮左疾爲男右疾爲女俱疾爲生二子

尺脉左大爲男右大爲女左右俱大產二子

左手沉實爲男右手浮大爲女左右手俱沉實猥生

二男左右手俱浮大猥生二女

左右尺俱浮爲產二男不爾則女作男生

謂一男一女之胎

胎死而男胎生

左右尺俱沉爲產二女不爾則男作女生

婦人陰陽俱盛曰雙軀

言左右兩尺部俱大而有力也

若少陰微緊

者血卽凝濁經養不周胎則偏夭其一獨死其一獨

生不去其死害母失胎

何以知懷子之且生也岐伯曰身有病而無邪脉也

有病則腹痛拘急之類無邪脉謂無病脉也

婦人欲生其脉離經夜半覺

日中則生也

離經者謂離于經常之脉如昨小今大昨濇今滑昨浮今沉之類夜半覺日中

生者了  
午冲也

婦人經斷有軀其脉絃者後必大下不成胎也

絃者肝脉

也肝主疎泄今見絃則肝木太過不能藏血也

婦人尺脉微遲爲居經月事三月一下

微遲者虛寒之診也居經

猶云停經也三月一下爲血不足也

婦人尺脉微弱而濇少腹冷惡寒年少得之爲無子  
年大得之爲絕產

新產傷陰出血不止尺脉不能上關者死

### 小兒脉法



小兒五歲以下未可診寸關尺。惟看男左女右虎口。  
○食指第一節寅位爲風關。脉見易治。○第二節卯  
位爲氣關。脉見爲病深。○第三節辰位爲命關。脉見  
爲命危。○色紫爲熱。色紅傷寒。色青驚風。色白疳疾。  
惟黃色隱隱爲常候也。色黑者多危。○脉紋入掌爲  
內釣。○紋彎裏爲風寒。○紋彎外爲食積。  
五歲以上以一指取寸關尺三部。六至爲和平。七八  
至爲熱。四五至爲寒。

半歲以下于額前眉端髮際之間以名中食三指候

之兒頭在左舉右手候兒頭在右舉左手候食指近  
髮爲上名指近眉爲下中指爲中三指俱熱外感于  
風鼻塞咳嗽三指俱冷外感于寒內傷飲食發熱吐  
瀉食中二指熱主上熱下冷名中二指熱主夾驚食  
指熱主食滯

諸病宜忌

傷寒 未汗宜陽脉忌陰脉已汗宜陰脉忌陽脉  
中風 宜浮遲忌急數 咳嗽 宜浮濡忌沉伏  
喘急 宜浮滑忌短澀 水腫 宜浮大忌沉細

頭痛 宜浮滑忌短澹 心痛 宜浮滑忌短澹

腹痛 宜沉細忌弦長 腹脹 宜浮大忌沉小

消渴 宜數大忌虛小 痿痺 宜虛濡忌緊急

癥瘕 宜沉實忌虛弱 顛狂 宜實大忌沉細

吐血 宜沉小忌實大 衄血 宜沉細忌浮大

脫血 宜陰脉忌陽脉 腸澼 宜沉小忌數大

下利 宜沉細忌浮大 霍亂 宜浮洪忌微遲

虛損 宜熉緩忌細數 墮傷 宜堅緊忌小弱

金瘡 宜微細忌緊急 癰疽 宜微緩忌滑數

中惡 宜緊細忌浮大 中毒 宜洪大忌微細

新產 宜沉滑忌弦緊 帶下 宜遲滑忌急疾

崩漏 宜微弱忌實大 蠱蝕 宜虛小忌緊急

### 怪脉

雀啄 連三五至而歇歇而再至如雀啄食脾絕也

屋漏 良久一至屋漏滴水之狀胃絕也

彈石 從骨間劈劈而至如指彈石腎絕也

解索 散亂如解繩索精血竭絕也

魚遊 沉時忽一浮如魚遊靜中一躍神魂絕也

魚翔 浮時忽一沉。譬魚翔之似有似無。命絕也。

釜沸 如釜中水。火炆而沸。有出無入。陰陽氣絕也。

### 七診

岐伯曰。察九候。

寸上。浮中沉三候。關上。浮中沉三候。共得九候也。獨

小者病。獨大者病。獨疾者病。獨遲者病。獨熱者病。獨

寒者病。獨陷下者病。

此言九候之中。有獨見之脈。而

之所在也。七者之中。既言獨疾。則主熱矣。既言獨遲。

則主寒矣。而又言獨寒。獨熱者何也。必于陽部得洪

實數滑之脈。故又言獨寒也。獨陷下者。沉伏而不起者也。

形肉已脫。九候雖調。猶死。

形肉脫者。大肉盡去也。脾

脾氣脫而能生者雖九候之中無七診雖見九候皆獨見之七診脈終不免于死亡矣  
從者不死及與病症為順也既得順候雖有獨大獨小等脈不至于死也

必先問明脈後診脈

素問微四失篇云診病不問其始憂患飲食之失節起居之過度或傷于毒不先言此卒持氣口妄言作名為龐所窮何病能中  
此言不問其症之所出生先與切脈未免模糊揣度必不

能切中病情矣

素問疏五過篇云凡未診病者必問嘗貴後賤雖不

中邪病從內生。名曰脫營。營富後貧。名曰失精。脫營也。失精也。皆陰氣之虧損也。貴者忽賤。富者忽貧。未免抑鬱而氣不舒暢。則血因以滯。久則新者不生。故言脫也。

愚按古之神聖。未嘗不以望聞問切四者互相參考。審察病情。狀必先望其氣色。次則聞其音聲。次則問其病源。次則診其脉狀。此先後之次第也。近世醫者。既自附于知脉。而病家亦欲試其本領。遂絕口不言。惟伸手就診。而醫者遂強為揣摩。若揣摩偶合。則信為神奇。而揣摩不合。則薄為愚昧。噫。

嘻此內經所謂妄言作名爲麤所窮也如是而欲  
拯危起殆何異欲入室而反閉門耶王海藏云病  
人拱默惟令切脉試其知否夫熱則脉數寒則脉  
遲實則有力虛則無力何以脉知也若得病之由  
及所傷之物豈能以脉知乎故醫者不可不問其  
由病者不可不說其故蘇東坡曰我有病狀必盡  
告醫者使其胸中了狀狀後診脉則疑似不能惑  
也我求愈疾而已豈以困醫爲事哉若二公之言  
可以發愚蒙之聾聵矣



# 持脉有道

素問脉要精微論曰持脉有道虛靜爲保

切脉之道貴于精誠

嫌其擾亂故必心虛而無雜想身靜而無言動脉後可以察脉之微妙而不失病情也保者不失也若躁動不寧瞻顧不定輕言談笑亂說是非不能得脉中之巧適足爲旁觀者鄙矣

## 决死生

黃帝曰决死生柰何岐伯曰形盛脉細少氣不足以

息者危

身形肥盛而脉形細弱且少氣不足以呼吸則外有餘而內不足枝葉盛而根本撥也故

形瘦脉大胸中多氣者死

身形瘦削而脉形洪大且胸中多氣者陰

不足而陽有餘也孤陽不生故曰必死

形氣相得者生

形盛者脉亦盛形小者脉亦小

制形與脉相得矣  
得者相合也  
參伍不調者病  
參伍者數目也言其至數不和勻往

來無常度  
三部九候皆相失者死  
皆相失者如應浮而沉應大而小違

四時之度失  
上下左右之脉相應如參春者病甚上

下左右相失不可數者死  
上下左右即兩手之三部九候也參春者實大有力

如杵之春故曰病甚若失其常度至于急數而不可數即八九至之絕脉也安得不死  
中部之

候相減者死  
眾臟雖調而中部之候獨不及者為根本敗壞安得生乎

### 辨七表八裏九道之非

戴起宗曰脉不可以表裏定名也  
軒岐與越人叔和皆不言表裏脉訣竊叔和之名妄立七表八裏九道

爲世大惑。夫脉之變化從陰陽生。但可以陰陽對待而言。各從其數。豈可以一浮二芤爲定序。而分七八九之名乎。大抵因浮而見者皆爲表。因沉而見者皆爲裏。何拘于七八九哉。

滑伯仁曰。脉之陰陽表裏。以對待而爲名象也。高陽生之七表八裏九道。蓋穿鑿矣。求脉之明爲脉之晦。

脉決死期

素問太奇論

脉至浮合。浮合如數。一息十至以上。是經氣予不足也。微見九十日死。

浮合者。如浮萍之合。有表而無裏也。如數者。似數而非數。熱之陽脉。

也是經氣衰極也。微見者，初見也。初見此脉，便可決其九十日而死。時季更易，天道變而人氣從之也。十至當作七至。若果十至，則為絕脉，死在旦夕已。豈待九十日哉？故知錯悞無疑也。

脉至如火薪然，是心精之予奪也。草乾而死，然脉如火

大之極也。但見本藏之脉，無胃氣以和之，則知心精之已奪矣。夏為本令，猶未遽絕。至秋深而草乾，陽肅之候也。

脉至如散葉，是肝氣予虛也。木葉落而死，如散葉者，

也。肝木大虛，違其沉絃之常矣。秋風動而木葉落，金旺則木絕，故死。

脉至如省客，省客者脉塞而鼓，是腎氣予不足也。懸

去棗華而死，省者禁也。故天子以禁中為省中，塞者沉而不利也。鼓者搏而有力也。伏藏于

內而鼓搏正如禁賓客而不見獨居于內而恣肆也故曰如省客也是腎陰不寧之故也棗華去則當長夏也土旺水敗腎虛者不能支矣

脉至如丸泥是胃精予不足也榆莢落而死丸泥者彈丸也

滑動有力冲和之氣蕩肤矣春深而榆莢始落木令方張弱土必絕

脉至如橫格是膽氣予不足也禾熟而死橫格者如橫木之格

也且長且堅東方之真藏脉見矣禾熟于秋金令乘權木安得不敗

脉至如弦縷是胞精予不足也病善言下霜而死不

言可治弦縷者如弦之急如縷之細也胞者心胞絡也言者心聲也火過極而神明無以自持則

多言不休也夫脉細則反其洪大之常善言則喪其神明之守方霜下而水帝司權火當絕矣

脉至如交漆交漆者左右傍至也微見三十日死

交漆

者為漆也左右傍至者或左或右不由正道也微見此脉以一月為期必不祿矣

脉至如湧泉浮鼓肌中太陽氣予不足也少氣味菲

英而死

湧泉者如泉之湧浮鼓于肌肉之上而垂違其就下之常膀胱衰竭陰精不能上奉故少

氣耳菲英新發木帝當權則水官謝事矣

脉至如頽土之狀按之不得是肌氣予不足也五色

先見黑白壘發而死

虛大無根按之即不可得見頽土之狀也肌氣即脾氣脾主肌

肉也黑為水色土虛而水無所畏反來乘之也壘即

藥也即蓬藥也藥有各種而白者發于春當木王之

時土安

得不敗

脉至如懸雍懸雍者浮揣切之益大是十二俞之予

不足也水凝而死

懸雍者喉間下垂之肉也浮揣而極大即知重按之必空矣浮短者

孤陽亢極之象也十二俞即五藏六府十二經之所繫也水凝為陰盛之候而孤陽有不絕者乎

脉至如偃刀偃刀者浮之小急按之堅大急五臟宛

熱寒熱獨并于腎也其人不得坐立春而死

浮之小急如刀

口也按之堅大急即刀背也宛者積結也五藏結熱故發寒熱也陽王則陰消故獨并于腎也腰者腎之府腎虛則不能起坐迨立春而陽氣用事陰日以衰安得不死

脉至如丸滑不直手不直手者按之不可得也是大

腸氣予不足也棗葉生而死

如丸者短也短而無根大腸之金傷也棗葉初

生新夏火王。哀金從此逝矣。

脉至如華者令人善恐不欲坐卧行立常聽是小腸

氣予不足也季秋而死

華者草木之花也在枝葉而不在根株乃輕浮而虛也小

腸之氣通于心經善恐不欲坐卧者心神怯而不寧也行立常聽者恐懼多而生疑也丙火墓于戌故當

季秋死

### 奇經八脉

督脉 尺寸中央俱浮直上直下

按潔古云督者都也爲陽脉之都綱其脉起于下極之俞並於脊裏上至巔極于上齒縫中斷交穴



○其爲病也主外感風寒之邪內經以爲實則去  
強虛則頭重王叔和以爲腰脊強痛不得俛仰大  
人癲病小兒風癰○尺寸中央三部皆浮且直上  
直下爲絃長之象故主外邪

任脉 寸口脉緊細實長至關又曰寸口邊九九。

按任脉起于中極之下循腹上喉至下斷交極于  
目下承泣穴爲陰脉之都綱○其爲病也男子內  
結七疝女子帶下瘕聚王叔和亦以爲少腹繞臍  
引陰中痛又曰寸口九九主腹中有氣如指上搶

心俛仰拘急。○紫細實長者中寒而氣結也。○寸口丸丸卽動脈也。狀如豆粒。厥厥搖動。故主氣上冲心。

衝脉 尺寸中央俱牢。直上直下。

按衝脉起于氣街。

在少腹毛中兩旁各二寸

俠臍左右上行。至

胸中而散爲十二經之根本。故稱經脉之海。亦稱血海。靈樞云。衝脉血盛則滲灌皮膚。生毫毛。女子數脫血。不榮其口唇。故髭鬚不生。宦者去其宗筋。傷其衝脉。故鬚亦不生。○越人曰。衝脉爲病。逆氣

而裏急東垣曰凡逆氣上冲或兼裏急或作躁熱皆衝脉逆也宜補中益氣湯加知藥○王叔和曰衝督用事則十二經不復朝于寸口其人若恍惚狂癡○衝脉與督脉無異但督脉浮而衝脉沉耳陽蹻脉 寸部左右彈

按陽蹻脉起于跟中上外踝循脇上肩夾口吻至目極于耳後風池穴○越人曰陽蹻爲病陰緩而陽急王叔和註曰當從外踝以上急內踝以上緩又曰寸口脉前部左右彈者陽蹻也苦腰背痛癰

癰疽什惡風偏枯瘳痺體強○左右彈卽緊脉之象

陰踠脉 尺部左右彈

按陰踠脉起于跟上內踝循陰上胸至咽極于目內眥睛明穴○越人曰陰踠爲病陽緩而陰急王叔和註曰當從內踝以上急外踝以上緩又曰寸口脉後部左右彈者陰踠也苦顛癰寒熱皮膚淫痺少腹痛裏急腰及髁窵下連陰痛男子陰疝女子漏下○張潔古云踠者捷疾也二踠之脉起于

足使人蹻捷也。陽蹻在肌肉之上。陽脉所行通貫六府主持諸表。陰蹻在肌肉之下。陰脉所行通貫五藏主持諸裏。

帶脉 關部左右彈

按帶脉起于季脇圍身一周如束帶然。○越人曰帶之爲病腹滿腰溶溶如坐水中。

溶溶緩縱之貌

○明堂

曰女人少腹痛裏急癥瘕月事不調赤白帶下。

楊氏曰帶脈總束諸脈使不妄行如人束帶而前垂此脉若固卽無帶下漏經之症矣。

陰維脉 尺外斜上至寸。

按陰維脉起于諸陰之交發于內踝上五寸循股入小腹循脇上胸至頂前而終。○叔和曰苦顛癇僵仆失音肌肉痺癢汗出惡風身洗洗然也。又曰陰維脉沉大而實主胸中痛脇下滿心痛脈如貫珠者男子脇下實腰中痛女子陰中痛如有瘡。

陽維脉 尺內斜上至寸。

按陽維脉起于諸陽之會發于足外踝下一寸五分循膝上髀厭抵少腹循頭入耳至本神而止。

叔和云。苦肌肉痺癢。皮膚痛。下部不仁。汗出而寒。顛仆。羊鳴。手足相引。甚者不能言。○潔古云。衛爲陽主。表陽維受邪。爲病在表。故苦寒熱。營爲陰主。裏陰維受邪。爲病在裏。故苦心痛。陰陽相維。則營衛和諧。營衛不諧。則悵狀失志。不能自收持矣。

李時珍曰。人身有經脈絡脈。直行曰經。旁支曰絡。經凡十二。手之三陰三陽。足之三陰三陽是也。絡凡十五。乃十二經各有一別絡。而脾又有一大絡。并任督二絡爲十五也。共二十七氣。相隨上下。如泉之流。不

得休息。陰脉營于五藏。陽脉營于六府。陰陽相貫。如環無端。其流溢之氣。入于奇經。轉相灌溉。奇經凡八脉。不拘制于十二正經。無表裏配合。故謂之奇。蓋正經猶溝渠。奇經猶河澤。正經之脉隆盛。則溢于奇經。故秦越人比之天雨。溝渠溢滿。霽霈河澤。此靈素未發之旨也。又曰。陽維起于諸陽之會。由外踝而上。行于衛分。陰維起于諸陰之交。由內踝而上。行于營分。所以爲一身之綱維也。陽蹻起于跟中。循外踝上行于身之左右。陰蹻起于跟中。循內踝上行于身之左。



右所以使機關之踦捷也。督脉起于會陰，循背而行于身之後，爲陽脉之總督，故曰陽脉之海。任脉起于會陰，循腹而行于身之前，爲陰脉之承任，故曰陰脉之海。衝脉起于會陰，夾臍而行，直衝于上，爲諸脉之衝要，故曰十二經脉之海。帶脉則橫圍于腰，狀如束帶，所以總約諸脉者也。是故陽維主一身之表，陰維主一身之裏，以乾坤言也。陽蹻主一身左右之陽，陰蹻主一身左右之陰，以東西言也。督脉主身後之陽，任脉主身前之陰，以南北言也。帶脉橫束諸脉，以六

合言也

張紫陽云衝脉在風府穴下督脉在臍後任脉在臍前帶脉在腰陰蹻脉在尾閭前陰囊下陽蹻脉在尾閭後二節陰維脉在頂前一寸三分陽維脉在頂後一寸三分凡人有此八脉俱屬陰神閉而不開惟神仙以陽氣冲開故能得道八脉者先天大道之根一炁之祖採之惟在陰蹻爲先此脉纔動諸脉皆通陰蹻一脉散在丹經其名頗多曰天根曰死戶曰復命關曰生死根有神主之名曰桃康上通泥丸下徹湧

泉倘能知此使真氣聚散皆從此關竅則天門常開  
地戶永閉尻胛周流于一身和炁自狀上朝陽長陰  
消水中火發雪裏花開身體輕健容衰返壯昏昏嘿  
嘿如醉如癡要知西南之鄉在坤地尾閭之前膀胱  
之後小腸之下靈龜之上乃天地逐日所生炁根產  
鉛之地也